

樂安縣志

地

276
1122

公署



叙曰公署者或駐節以觀風或承流以宣化是不
以無所也第湫隘卑陋者何以居政而臨民宏肆壯
麗者必至勞民而傷財因其舊而修飾之不尚侈以
示奢亦不因陋以就簡君子酌中之政也志公署

縣治

在城內西北隅

其創始無考元泰定間頗有修葺

明朝洪武元年知縣趙復依須公廨式重修天順五年

知縣狄惠重建廳事吏舍

自記曰青州古禹貢之域

樂安屢更其置迨宋因之金改樂安屬益都府元屬

益都路至我朝

卷八

太祖高皇帝創業垂統改益都路為青州府本縣仍屬
焉舊基在城之西北隅洪武元年知縣趙復依公署
圖式建之歲久敝甚正統間廬江高軒來知邑事重
葺欲大其制因循弗克舉天順五年孟夏三日予調
宰斯上視篆未幾政暇裴回周覽謂僚佐曰規模粗
立豈百里觀瞻之地今德音瀕頽加以時和歲稔民
力少舒興建之功其可後乎二尹杜君曰鳩集工材
已久時令同事余諾遂肇工于是年首夏四月吉日
落成于是年孟冬十月外環崇垣前建儀門門內東
西建司房中為治事正廳廳後有川堂藏修之所左
為蓮幕公廨右為龍亭帶庫建吏舍從總舖凡所增
益者大過于古猶未以為然後改學門為道壘梓潼
廟後崇明倫堂堂後有軒置會膳堂祭血庫由是規
制內外大備黜至縣彫煇燁堅好微二尹鄧州杜公
知判薄滑縣王公中幕賓榮河范公恭無以成其始
微予藉工孰克成其終然士之學古入官宜其為政
知所本如此奚不鑱諸石俾後人有所考焉故不自
揣姑贅一辭以記

正德六年毀于兵火知縣張宗德重建嘉靖二十四
年知縣王本固廣土地祠建吏舍二十八間二十九
年知縣郭中修四十二年與史韓時松廣幕次爲四
楹萬曆三年知縣姜璧建抱厦于正堂前寅賓館于
大門內六年知縣崔汝孝建收糧所十楹崇禎獄垣
新神祠囚室仍建樓門于內以慎防守中爲正堂後
退食堂正堂東爲幕次西官庫前爲戒石亭左右列
吏曹房中爲儀門門內爲獄外東爲土地祠祠前爲
寅賓館儀門前爲大門門內東西爲收糧所退食堂

北爲知縣宅東北縣丞宅西北主簿宅前爲典史宅
主簿宅前爲吏舍

鼓樓在縣大元尹衛思温建御史濟南韓傭記曰夫

魯新作南門春秋譏之以其可已也允協時宜奢儉
適中政有藉氏不勞是惟無作作則君子與之矣益
郝屬曰樂安地什民夥訟獄滋殖煩于劇劇公守誠
不暇恤泰定之元達魯花赤海申葺廳事三年冬平
陽衛公思温繇昌邑簿家績陞尹茲邑令行政學問
與僚屬議出俸金收作大姓張居敬王仲允程福高
陶房仁李真輩喜曰明府及此邑人利也願輸材陶
甃相助于是撤其前門仍舊基建重屋于其上周以
危闌懸以文石華不至侈質無近俚俯瞰闐闐屹爲
麗譙復置鼓節晨昏又創退食堂十二楹增廳事兩
傍室既落成民曰懿哉是役庶力無假賢令私我也
苟無以紀其歲月後其何知乃奉屬邑文學李希右

狀請書于石公宇完繕非以美觀臨民布政寔由此出圮陋而修頽可少後然令者所以寄民社也使遁者還愁者懌宿弊以艾藏奸以摘丞嘗婚嫁權相往來固宜光簡策勒金石今衛公蒞事僅替財力未拓而民人欲令一邑之善豈非不獲已而順時益政也歟他時政成俗易遐邇取法予雖寡昧猶能爲公大書之

縣治白大門以內率皆傾頽過半卽大堂蒞政之所不可以避風雨而退堂左右鞠爲茂草曷偃息其間夫公署傳舍耳前此者恐招勞民傷財之嫌而以俟之後來後來者又踵前人之陋而復俟之後來因循相承如之何其不傾以頽也至邑者計居上臨下必

以壯觀于此弗葺無論後來卽目下難居矣吾何以博省事之名而不以壯居上之體哉于是出鍰贖之餘不以煩民而鳩工庀材或撤其舊而新之或更其地而建之民不勞而告成財不匱而事竣巍然規模宏遠矣

萬曆三十年知縣孟楠重修儀門兩角門大堂退堂大堂之後建川廊三間由東夾道建耳房一間由西夾道建耳房一間左右翼如二門迤東建大門一西向入門而南折而東土地祠在焉後則賓館以示先

神後人之義館有儀門內建正廳三間東廂三間西廂三間其隅庖廁俱備宅內東建書房三間以爲朝夕再思之所

鐘樓

在南街西 洪武十一年知縣謝中建

訓導高炳記曰洪武丙辰秋七月

帝廷考績居本邑宗遂陞知青州府樂安縣事越明年政成迺修宣聖廟建兩廡飾聖賢像增廣學堂泊三皇殿宇輪奐一新又明年起龍祠于龍丘累禱輒有異應民遂豐瞻邑舊有三尹廟復增修之因閱地于城之西北陬見古巨鐘一懸仆偃在地公慨然曰是始作者功亦不細奈何使有用之器淪委于此豈可乎乃昇置于通衢之右遂敦諭耆舊勸率人民築臺以置其上構樓以庇其下民懽趨事不閱月而告成邑老綦祥卿甫等揖謂予曰吾邑賢矣下車之日

公署

卷八

四

不任苛察政尚清簡慈祥豈弟洞達民情故爲政無赫赫之聲然于事之叢脞繁夥紛結齟齬而難于爲力者皆不施鞭朴悉皆見輯焉非矣之才德優厚以傳飾吏而敏于政者能若是乎迄今已幾三載服勤王事罔有間息修舉廢墮巨細靡遺近而壇場公館遠而驛傳申明亭與夫城樓迎熏仰德西城罔不銳意精思鼎新增飾今茲樓也雖藉民力而民皆相與樂成蓋矣之德化洽于人心而民之感德趨事赴功不自知其畚鍤之爲勞也予盍爲我記之刻諸堅珉以示不朽幸勿拒焉愚應之曰夫鐘鼓者所以明號令戒昏曉也矧律有外郡城鎮凡遇夜禁暮鐘以靜曉鐘未動遠者坐如律之文今是樓之建屹然中峙凌空翬飛大音飄飄聲聞遠近使人人晨昏審聽而發傲省是誠政教之一端也其視竊位縻祿苟延歲月務姑息以徼虛譽者大有逕庭今君等美邑侯之善政請文諸石貽于永久允見夫心悅誠服之實是亦甘棠遺愛之意固可書也 正統八年知縣張翔修

正德十年知縣張宗德重修

序生李用中記曰昔齊

以和五音而立天時故後世因之不能改我

朝繼運而興斟酌其制立為一代之規不惟用之于樂

以和神人又自王畿及名都大邑皆設銅鐘為官府

之守器與鼓迭鳴以達昏曉示動靜一耳目宣號令

焉樂安隋千乘邑也通衢之右有鐘一懸非窳不成

擊之鏗然宏震寰金聲之善鳴者也當洪武丙辰歲

有廬陵謝公來尹是縣始築臺于下為樓于上以居

之其制岑聳如山高摩雲漢過者仰止盱其駭矚志

載為八景之一焉及今百有餘祀間亦有因其損牧

嗣爾葺理者但風雨震凌非一日計于是又將圯壞

矣吾邑侯張公由京闈高薦來為是邑宰下車之始

見其日就覆壓即慨然有修建之志顧以比時劇寇

甫平傷痍未起公意以為兵戎之後求紓其民不暇

若用之則作事不時吾弗忍不如已之邇來幾三稔

矣蒞政既久樹德滋深濯痍扶傷以瘳以起民迺溇

然休然相食以力各狎其土也公于此度其時為可

公

迺自繕修學校濬築城池以及縣宇倉庾功皆就緒

之後即命工鳩材以儼其役于大茱小摘蓋瓦級堦

之屬堅好者仍之朽敗者易之既而潤之以采色度

日計成不愆素許形狀巍峩規模壯麗大有加于前

日之作也由是鐘簾不失其所旦暮司擊者且無風

雨之患士不惰業農不失時工不慵作商不怠賈四

民各安所事自不犯于有司公之賜也時督工鰲老

諸人以公治行先譽旌聘在邇恐去後而迹泯相與

謁余為記以紀其遺愛余惟興作大事也浹旬之間

用不費民不勞回基基于將傾起層樓于既倒使前

功不失而益及後人公之賢不以泯之也遂勒石以

為記然余言徒贅曷足以傳達乎他日吾侯秉鈞于

朝坐安天下豐功茂烈垂之簡書藏之史閣遠播于

天下後世而不朽當有良太史之信筆焉

嘉靖二十九年知縣郭中重修萬曆七年知縣

孝以朽木贅噉撤而新之父老皆謂自創修以來壯

麗無如今日又數百年足賴也

宣化坊

在縣治正南

建置無考嘉靖間廢萬曆元年知縣

姜璧重建扁曰平政六年知縣崔汝孝修仍曰宣化

按察分司

在縣治東

中為正堂有二夾室前列東西廂迤

南為中門三又南為大門堂後為川堂退食堂東為

廚房西為書吏房

布政分司

在縣治西

嘉靖間廢萬曆四年知縣姜璧重建

制厨上後添川堂近易大門扁曰察院

府館

在布政分司後

正統間知縣張翔建嘉靖間廢萬曆元

公署

卷八

六

年知縣姜璧改建馬房東為大門西為馬夫宿所南

北二房馬櫪在馬十七年知縣李秩改義倉貯隅社

粟本

告帝亭

在縣後

嘉靖三十年知縣郭中建

平度州知州華亭周思兼

記曰郭子周子如鄴反次乎代舍于代人之官登其
臺問為政焉郭子曰子之治民奚以周子曰吾以信
夫政自上下者也上作而行之不叛故上下無怨上
作而不行是不信也令而不信何以使民民之弗從
無信故也故政不可不信也務信而已信以出政政
以平民政出而不反民承而不違庶其免于戾乎夫
子之治民奚以郭子曰吾以敬敬于民敬于鬼神敬
于令敬于事敬于民則刑不濫敬于鬼神則祀不忒
敬于令則時無廢功敬于事則業是成猶有懼焉
吾朝出而布政于民及退以告于上帝以相盟誓也

吾其或弗敬將疚于厥心不敢語人矧曰敢告帝乎
吾以是儆也吾將于堂之陰寢之陽擇地而亭焉材
乃構矣吾朝出而過之曰毋或弗敬是旦告帝也敢
弗敬與又入而過之曰毋或弗敬是暮告帝也敢弗
敬與若是庶其免于戾乎周子曰善哉守敬之道也
敬以導民而盟諸神以要之又考諸亭焉其何事弗
敬能敬民之福也然是亭也奚名郭子曰趙氏之故
吾子胡弗聞趙氏書之所為暮必以告帝用能保其
令名以訓于世吾師趙氏也以告帝名可乎詩曰胡
不相畏不媿于人不畏乎天夫天道邇可弗省與天
之愛民甚矣民神之至也民之從違神必馮焉畏人
所以畏天也吾之名是亭也毋亦人是務焉豈其矯
誣上天以速罪戾敬于令敬于事敬民之道也敬民
神必聽之矣以此語人何悔之有以此告帝何咎之
有出令以告彙事以使民事神以告告而無匿情焉
無媿詞焉可謂敬矣告而隱焉其無乃實有所闕乎
所以懼也懼則思矣詩曰上帝臨女無二爾心其是
之謂乎夫司馬氏畏人者也凡有行也無弗語人焉

公署

卷八

七

趙氏畏天者也凡有行也無弗告帝焉神人也可
以告帝則可以語人矣抑天尊也將遠而憚焉人親
也將近而狎焉狎則必怠鮮弗廢矣憚則必專專則
可以吾欲其憚也所以名亭也庶曰其少儆乎且司
馬氏之畏人畏而安焉其德成矣趙氏方將修焉吾
師趙氏矣夫周子曰吾始知信乃今又知敬也吾子
若果成此亭也天必福之民必親之子歸必大治郭
子歸而亭成亭建于嘉靖辛亥春正月九日成于三
月望日華亭周思兼記

申明旌善二亭各九十有九俱洪武七年知縣黃銳
建今惟縣治前者存萬曆元年知縣姜驛重修

陰陽學 在縣治東

醫學 在縣治東

僧會司在吉祥寺萬曆八年知縣崔汝孝建鐘樓于山門

左

稅課司在鐘樓側舊設大使一員嘉靖三十七年官革局

廢今址存

樂安巡檢司在石辛鎮

高家港巡檢司在塘頭寨

濱樂分司在高家港久廢

王家崗場在城東北七十里商家社

新鎮場在城東北一百里新鎮社

公署 卷八 八

高家港場在城東北九十里高家社

批驗鹽引所在石辛鎮久罷

李夢虞曰長老言弘治間石辛鎮人富厚城中不如
豈不以居濱濟而有鹽關存乎忽薄與諸村等可以
知商人之不復至也久矣語云天下攘攘皆為利往
天下熙熙皆為利來今雖兩淮之商減于往十五六
而況于吾樂安乎

鑑清館在石辛鎮以面清水名成化十九年知縣奚銘建

而學士丘文莊公濟所題扁也久廢

養濟院在縣治東南隅西有門內屋三十間廣五十尺袤七

十尺

惠民藥局在縣治前街西

省耕亭在東郭門外成化十二年知縣葉銘建久廢

勸農亭在城東五里成化二十年知縣沈清買地一畝建

亭字門垣自記曰大凡物未有不待人為而可用者

可以為井積土可以為山無聲而擊之或鳴無足而運之或行惟人亦然不有呼之誰其應之不有愛之誰其親之行不無牽止不無尼而農也者民食所賴國賦所資載于書詠于詩雜于春秋傳記之中誠子民者在所知重也然吾少嘗觀之吾鄉長民者且視而慕撫已去而復還今者里書督明又亭長至鳴鼓

公署

卷八

九

而聚擊木而召使小人承事日不得暇此遇下太勤者也吾病之其不然者則又視之不問知之不矜置之弗思民有菜色而不告荒塗有餓莩而不知發蠲管狗苟畧不介意此失于太怠者也吾恥之又存異于是者祇年孔夙方社不莫因地而黍原稼隰以法而火耕水耨不瑣瑣煩勞不躑躅者棄然民耄士乃亦有秋此有道者也吾善之然吾病之人亦病之吾不欲為吾恥之人亦恥之吾不敢為故吾善之人必亦將善之吾所樂為者也故吾以成化己亥歲來知邑時百廢未興庶物未舉首以所樂為者試人始以為迂或笑以不知務吾志益堅終則翕然以為可時他郡乾溢多飢而吾邑屢豐年民食有餘國賦如經吾樂之不欲忘之遂為之記庶後

李夢虞自余惟鄉人之勤于明可矣春競播耒其不

易得耨者或以垣壞屋不免勞費而于為地之利

一也亦知溉種然徒以水按周禮草人掌土化之法以物地相其宜而爲之種凡糞種辟劓用牛赤緹用羊墳壤用鹿瀉澤用鹿鹹濕用豸勃壤用狐埴壚用豕鹽壤用蒼輕壤用犬釋之者曰煮取汁也而遂以汁漬種其法備于齊民要術又煮以所嘗坎雪曰辟蝗能旱必有所試未可忽也

官倉

在預備倉西

成化十七年知縣沈清重建後廢萬曆

八年知縣崔汝孝以積粟滋多預備倉不能容建厥舍四十間以貯

預備倉

在官倉東

成化十八年知縣沈清重建嘉靖二十

四年知縣王本固重建厥舍五十間萬曆元年知縣姜璧重修六年知縣崔汝孝于二門內創建望樓捲棚正廳三座外建捲棚正廳二座厥舍三十間

義倉

在廢府館所

知縣李秩建大門一間小門一間東南

西北厥俱各三間地基六分貯九十三隅社粟

李夢虞曰惟預備倉之設幾如父母于其息多而爲之計且何食乎至常有施及不計其由以失夫縣莫不以二年爲端嚴實民間爲上中下九等而以

振荒則如拾級自其下以上貧弱是先等一錯故所
施常不詳夫九等者民所賴于令以平其政之本其
以善真如于荒施矣

急遞舖十有三在城總舖舊在縣治東嘉靖四十五年知

縣社朝貴因建王尹生祠移置縣獄西趙家舖在城東一

溜河舖 在城東二十里 阜城舖 在城南一十里

率家舖 在城南一十里 大張舖 在城西南一十八里

楊趙舖 在城西南二十里 白家舖 在城西一十里

公署


卷八

十一

秦王舖 在城北一十里 張家舖 在城北二十里

尹家舖 在城北四十里 燕兒舖 在城北六十里

鹽絮舖 在城北六十里



學校

叙曰國家學校之設期以育真才翊世運也豈非有司之第一事哉要之三善不備非所以宏作人之化矢一曰得其地必高明爽塏之區左右迴合風水輻輳庶可以孕靈而毓秀二曰畫其制廟貌之建豈曰備觀國所以尊聖欽賢即宏肆不為侈壯麗不為費也三曰得其人居師帥之任者以加意作興為已任或勤考課以作其氣或厚周恤以濟其乏或時修葺以補其缺三事備而士復自勵為真才不輩出者未

學校

卷九

一

之有也邑庠偏東南隅右密而左窪已非其地矣而廟貌門廡日就圯壞其于制何有也幸今築臺建亭鑿池樹坊通廟貌門廡而一新之足以弘一代之制固千載一時也士于此時有不潛心大業以紹先賢之遺軌以仰副作成之至意者非夫矣志學校

儒學

在縣治東南

舊有學不知何許創廢無考宋崇寧元年

縣令黃鐸嘗修

青州教授黃致記曰學校之制備于三代天子有辟雍諸侯有頴宮

而鄉黨之間亦設庠序之教師儒並建絃誦翕然耳目之所聞見皆學之事心思之所深造皆學之道道在物而理在已理在已而性在天而命無不窮曲盡至當是以才識周于用者朝廷郡國公卿世胄而已

聚爲閭閻散爲農桑賤爲僕夫幼爲童稚者其言其行皆卓然有以自見于世時君賓與而用之在鄉而美俗在朝而美政若大若小無施不宜功成治定兵寢刑措而和氣洋溢于宇宙者率由此也夫治不右迨流風寢息廢于戰國火于秦滅裂于漢荒唐于晉浮艷于唐教養之法或亾而不存或僅存而不足觀則人材之盛衰功業之甲崇風俗之厚薄固不待辨而可見矣天興斯文世不喪道至我聖末始偃兵重儒涵養淬礪者蓋百餘年而後神宗皇帝一以三代教育之法迪之衆人以學明道以經善育京師化流邦國天下之士蒙惠澤而被休嘉志高而趣遠探道度夏商之前而其卑處不言漢魏後聖繼述取而用之置諸左右布之百執事之列文章政事疊疊乎遍文武咸康之際皆我神考昔時所以教養成就之材也嗚呼盛哉崇寧改元江南黃庚鐸爲千乘宰始至不踰旬時救政一新乃曰他無足議惟是所以崇奉先聖表儀士民者殊以缺畧此非治所宜于是諭其邑人曰千乘爲齊名區前世文人如兒寬歐陽生輩

爲不少以今視古疑若歎然豈天之少材厚于古而薄于今哉賦形于天者有性斯有材有材斯有功惟性明故其材周其材周故其功立其功立故其俗成乃今廢學校而責人材風俗之逮于昔所謂不琢玉而求文采者也竊爲士大夫不取州縣建學漸洩鄉舉里選之法此神考所留神規畫將行而未及者諸公其無意乎邑長不才請以身先邑人不謀而應之閱月而告成廣殿而崇堂周以兩廡眈眈翼翼丹雘煥然邑之秀民游泳夕息執經質疑者常數十人是年秋預有司薦者乃倍于昔昔時方喜庚之有爲爭相稱重未幾果有詔縣皆置學自縣升之州自州貢之朝諸邑皆紛紛應詔朝夕營葺獨千乘恬然素具無復可爲噫如吾侯者可謂智矣初學成屢移書請記其事未暇及也今復假之記安可辭因告之曰夫制天下之治者存乎法按天下之法者存乎道明良相遇于廟堂運精神心術之微舉而措之天下之民以爲事業而推行之吏或不能明究厥旨而宣成之况逆知其理執侯方治簿書獄訟于玉畿千里之外

而其所行及于廟堂之議若合符節謂之不智可乎
與時務方下邑學校之間人材益富鄉黨之間風俗
益醇野無遺賢朝無待位雖聖明化養之功而美于
千乘實有功焉侯知經能文猶長于吏事治劇嘗以
課最
靖康之亂毀于兵火金大定二十九年益都府
判黃受維重建金末亂復毀于火元至元十三年縣
尹慕泰始建今所大德十年縣尹王汾塑聖賢像

明朝洪武十二年知縣謝中重修自記

皇帝以神武混一區宇溥海內外罔不臣妾即位初以
洪武建元首嚴祀事遣使詣闕里潔牲幣展誠敬祭
宜聖于林墓廟庭崇盛典也于時下
詔頒天下凡內外郡邑設學官務加修飾有司承順
睿旨咸殫心力以盡厥職或仍舊貫以應故事三年秋
中以鄉貢中選釋褐孟津丞考滿入

學校

卷九

三

觀遂擢知青州府樂安縣事視篆之始謹條心慮宿齋
戒處謁清廟奠薦畢迴瞻仰盤薄久之所謂正殿
兩廡陛甬堂齋泊聖賢遺像歷年既久風日斯燥俱
各棟宇傾頽丹青漫滅中惕然于懷惶汗浹背奮欲
修葺適縣事倥忽未遑也越明年公務少暇民物阜
康于是掄材選甃僦匠鳩工拯毀宇之傾頽完陛甬
之圯毀堂齋之卑隘者廓之聖像之漫滅者飾之繚
以周垣置以射圃載經載營創兩閱月而功訖於戲
中惟夫子之道昭如日星亘古今而不泯昔謂功蓋
天下明並日月儀範百王師表萬世者誠不誣矣二
帝三王之道因夫子之道大而明又何以加焉欽惟
皇上戢武脩文內而國學盡培養之道外而郡邑嚴程
督之功蓋欵冀俊彥之挺生期人材之輩出以輔我
皇明承平之治也中叨任茲邑夙夜兢兢不敢不祗奉德
音以盡夫興舉勉勵之職也哉所願師生訓誨肄習
各盡迺職不惟上不負
聖天子興學之美意諸生蓄器以待用他日施于有政
亦不負平昔之所學也功成廟告書此以紀歲月云

景泰^{五年}知縣高軒教諭王應重修天順六年知縣狄

惠重建明倫堂成化六年知縣馬亮重建二齋大門

至簿趙隆廣諸生舍十五年知縣沈清重修^{大學士}壽光劉

翊記曰古之教者必有學夏曰校殷曰序周曰庠學

則三代共之當是時朝廷有明良之歌鄉士有濟濟

之賢比屋有可風之俗皆自學校始也三代不可尚

矣後世教學不明陵夷于戰國熾烈于秦火迄于漢

唐宋之季中間英君詎辟非不愛好儒術歆希三代

之治然卒不能如古之躬行于上言行政事未可師

法故治亦不古若有由矣我

太祖高皇帝肇造區夏政教一新

列祖相承稽古右文本諸躬行心得之餘發諸言行政

事之懿建學校以儲天下之賢才祀先聖以敦報本

之實意設師儒以講明二帝三王治天下之大法與

夫孔曾顏孟立言垂訓之微詞與旨以是修身以是

學校

齊家以是治國平天下以承斯道不絕之緒以壽國

家之元氣命脉此我朝
列聖建學立師之深意崇德報功之盛心取賢歛士之
良法也是以師道大明人材輩出治教隆于上風俗
美于下可與三代匹休媲美而陋漢唐宋于下風矣
嗚呼盛哉山東樂安縣古青齊之域漢儒若兒寬輩
亦皆產于茲邦稱古名區其廟學創始于宋之崇
寧間自時厥後歷金元興廢不一至
明朝洪武初廬陵謝中爰尹是邑仍舊貫而修葺之載
諸記可考也至今又百餘年矣歷歲滋久風雨侵尋
毀廡日就凋敝且舊基湫隘弗稱聖賢遺像丹青漫
滅諸賢位次亦錯綜無序殊無以壯學校之美觀昭
吾道之文明也肆成化己亥吳興沈君清以名進士
來知縣事視象之始奮然以興學為己任某欲廣而
新之語諸寮案多方措備既久所儲寔廣後捐俸資
以為首倡時邑之士夫亦慨然樂助乃擇元辰掄材
鳩工給餉募民趨事者惟恐或後經始于明年庚子
九月落成于又明年辛丑三月舊殿三楹今增而為

學校

卷九

四